

# Ekj sie junk un ekj sie frie

(Ich bin junk un ich bin frei)

1. Ekj sie junk un ekj sie frie, von de Sindensklowarie!  
Mootich folj ekj mien Harn Jesus Christ!  
Met de aundre seelje toop, no daut Himmels Launt soo goot,  
Doa wua eewich de Harlichkjeit es.

**Kua:** Jo, junk to senn, es scheen un doch,  
Jerat to senn es scheena noch!  
Jerat to senn, un junk tojlikj,  
Nuscht moakt soo jlekjlich un soo rikj!

2. Ekj sie junk un uk gaunz frie! Well am deenen aule Tiet,  
Met de Gowen dee hee haft jejäft.  
Well jewennen väle noch, schaufen fa mien Heilant doch;  
Am hia deenen soo lang aus ekj läw!
3. Ekj sie junk un jo, ekj weet, daut de Kaumpf es schwoa un heet,  
Un fa Jesus to lieden, daut jeft.  
Oba hee woat met mie gon, hee woat tru bieseid mie ston,  
Bat sien Wuat hee haft secha erfelt!
4. Ekj sie junk, daut best uk du, un du siekjst uk Fräd un Ru,  
West uk jier'n seelich senn, froo un frie.  
Komm uk no dän Heilant nu, hee vejefst die, hee es tru!  
Jleew daut doch, hee haft Leew uk fa die!

Wieed un Musikj: Onbekaunt  
Plautdietsch: Nettie Friesen, Feb. 2022